



# VICTORY HMONG ALLIANCE CHURCH

“Be imitators of Christ living together in victory” – 1 Cor. 11:1; 15:57-58.

TSAB NTAWV TSHAJXO (NEWSLETTER)

January 2021 issue

**Senior Pastor:**  
**Xh. Tswv Tub Vwj**



Nyob zoo xyoo tshiab rau nej sawvdaws! Tsis nwm xwb xyoo tshiab twb los txog thiab dhau zujzus lawm. Lub xyoo tas peb pom hais tias kev ua neej yeej tsis yoojyim kawg li. Kev noj nyob thiab kev tawm rooj los tsis yoojyim li lub siab xav. Los rau xyoo tshiab no los yeej tseem tsis paub hais tias yuav zoo li cas thiab. Tiamsis txawm yuav zoo li cas los xij. Peb tus Vajtswv yeej yog tus zoo li qub. Nws yeej tsis hloov. Nws lub hwjchim yeej tseem yog qhov tuav txhua yam. Nws tseem yog tus Tswv ntawm txhua qhov. Txawm lub ntiajteb no yuav hloov li cas los peb tseem vamkhom tau rau Vajtswv. Peb tseem muaj kev cia siab thiab kev tso siab tau rau ntawm Nws. Cia xyoo tshiab no yog lub sijhawm Vajtswv foom koobhmoov tshiab rau nej txhua tus. Cia Vajtswv muab yam tshiab rau nej. Cia Vajtswv rhuav tshem yam qub uas tsis zoo mus, thiab cia Nws muab yam tshiab rau nej. Thov Vajtswv muab kev thajyeeb thiab kev kajsia rau nej sawvdaws!

**Vajtswv Txojlus Txhawbzog: “Xyoo Tshiab, Muaj Dua Lub Siab Kublug Tshiab!”**

**Xh. Tswv Tub Vwj**

Lub xyoo tshiab yog lub sijhawm zoo rau peb coob tus npaj dua yam tshiab lossis ua yam tshiab. Xyoo tshiab yog zoo caij zoo nyoog rau peb npaj dua kev kub siab tshiab [to renew our passion].



Peb coob tus yuav npaj homphiaj tshiab thiab xav ua yam tshiab. Tiamsis qhov peb yuav nqistes rau yam tshiab yog peb yuavtsum muaj lub siab kublug tshiab ua qhov rub peb los nqistes rau qhov tshiab ntawd. Kev muaj lub siab kublug tshiab lossis having a new passion yog qhov yuav txhawb kom nqistes mus rau ntag.

**Yaxayas 43:18-19** hais li no, *“Tiamsis tus Tswv hais tias, ‘Tsis txhob nco txog tej xwmtxheej uas twb dhau los lawm lossis tsis txhob xav txog tej xwm ntawd li. Kuv tabtom ua yam tshiab; nimno yam ntawd twb tshwm tuaj lawm, nej tsis pom yam ntawd li los? Kuv yuav ua ib txojkev mus phua plhawv hauv tej nras mojsab qhua, thiab muaj dej txhawv ntws nto hauv tej tiaj suabpuam.’”*

Tseeb tiag cov phoojywg! Twb yog lub xyoo tshiab lawm, cia peb muab yam peb raug yavtas los tso povtseg. Cia yam ntawd txhob muab peb khi lawm. Txawm yavtas los yuav muaj yam phem yam tsis zoo raug rau peb los cia peb muab yam ntawd tso mus. Hnub no rau yav tom hauv ntej, Vajtswv twb npaj yam zoo rau koj thiab kuv lawm. Yaxayas sau hais tias Vajtswv tabtom ua yam tshiab rau peb. Kom peb cia li tig los pom yam tshiab ntawd. Kom peb cia li txais yam tshiab ntawd rau peb lub neej. Vajtswv tabtom ua txojkev phua plhawv coj peb mus rau qhov zoo. Cia peb ntseeg thiab cia siab li no rau ntawm tus Tswv.



Yaxayas 43:19a

**“Kuv tabtom ua yam tshiab; nimno yam ntawd twb tshwm tuaj lawm.”**

Lub xyoo tshiab no, cia peb tig los muaj lub siab kublug tshiab [have a new passion] rau plaub yam no: 1) Cia peb muaj lub siab kublug xyaum ua lub neej ncaincees rau ntawm Vajtswv - *strive to live a new righteous life for God*, 2) Cia peb muaj lub siab kublug rau kev pehawm Vajtswv - *worship God more fervently*, 3) Cia peb muaj lub siab kublug nqistes ua yam Vajtswv muab rau peb ua - *serve with more vigorousness*, thiab 4) Cia peb muaj lub siab kublug hlub tshaj qhov qub - *love more passionately*.

Hnub no, kuv ntseeg hais tias Vajtswv twb pib ua yam tshiab rau hauv koj lawm. Cia koj qhib siab rau Nws txhawb koj kom koj muaj lub siab kublug tshiab. Los ntawm lub siab kublug no, koj yuav ncav cuag yam tshiab thiab tau lub neej tshiab. Yog li nyob zoo Xyoo Tshiab rau koj! Happy New Year! Cia Vajtswv nrog nej nyob txhua lub sijhawm!

### Lus Nug

(Bible Activity – Questions on the Bible):

**1. Hnub twg yog hnub uas Vajtswv hais tias kom “Cia li muaj qhov pomkev”?**

- a. Hnub ib
- b. Hnub peb
- c. Hnub tsib
- d. Hnub rau

\* *Mus nyeem Chivkeeb 1:3-5*

**2. Cov Yixalayees noj manas tom tiajzeb suabpuam tau tsawg xyoo?**

- a. 7
- b. 1
- c. 21
- d. 40

\* *Mus nyeem Khiavdim 11:35*.

**3. Yexus hais tias kom peb muab peb tej nyiaj tso rau qhovtwg?**

- a. Hauv qabntoo
- b. Hauv ntiajteb no
- c. Saum ntuj ceebtsheej
- d. Hauv tsev khaws nyiaj.

\* *Mus nyeem Mathais 6:20*.



**Associate Pastor:  
Xh. Isaiah Thoj**

Dear Victory Hmong Alliance Church, my wife and I would like to wish everyone a

Happy New Year! We cannot believe that it has been almost a year since we have all been together as a body. We are so thankful for each one of you as you continue to think of our family and bless us so abundantly with your words of encouragement and gifts. Words cannot describe our appreciation for our church family and for everything that you continue to do for the Lord. Thank you for being faithful even in a season of life where it is most difficult. May our Good God continue to bless and provide for all of His people as He has done from generations to generations.



Yaxayas 43:19a

“Kuv tabtom ua yam tshiab; nimno yam ntawd twb tshwm tuaj lawm.”

**YOUTH UPDATE:**

As we are still trying to move past COVID as a country and a church, please continue to pray for the health of our nation. This year we are doing our best to plan and to play most things by ear. We are hoping to achieve the following this year if the Lord permits: Fundraising for HLUB, HLUB 2021, four church visitation (one each quarter), Youth/SA retreat, Next Gen. retreat, Worship night (with local Hmong churches), back to school night (BTS), and to continue our Friday Night Gatherings as usual every Friday night at 6:30PM online through Facebook Zoom. I want to say a huge thank you to all parents who have been actively pushing and encouraging your children to join us for Friday Night. We are currently going through the book of Romans, and we hope that our young people may be more equipped with scripture as the word of God slowly, but

surely edifies and changes hearts and minds. Please continue to sit down and pray with your children daily. Remind them that God isn't just needed when something bad happens. We need God for every breath that we breathe. Thank you for your faithfulness and partnership within the ministry. Thank you for taking your time to read this newsletter. Feel free to reach out to me at [Isaiahthor@gmail.com](mailto:Isaiahthor@gmail.com) or 608-577-0578. God bless!



### LUS TSHAJTAWM:

1. Pawngtseeg tseem tsis tau qhib kev tuaj txoos uake pehawm Vajtswv rau ntawm tuamtsev. Lub Rooj Tsavxwm tseem yuav tos saib nomtsv tso cai li cas. Thaum lub Rooj Tsavxwm paub lawm, mas qhia rau sawvdaws. Tiamsis peb yeej tseem muaj kev pehawm Vajtswv uake rau hauv Livestream txhua hnuv Hnubkaj li qub rau thaum 1pm. Yog li thov nqua hu sawvdaws los koom.

2. Lub Rooj Tsavxwm tabtom pib nrhiav lub tsev xibhwb thib ob (second parsonage). Thaum nrhiav tau thiab yuav tau lub twg lawm; lub Rooj Tsavxwm mam qhia rau sawvdaws paub.

3. Pib lub 1 hlis no mus, pab Kavxwm Saib Tswvcuab yuav pib rov tshuaj tswvcuab dua lossis kom peb cov tswvcuab renew membership dua. Pab Kavxwm yuav hu tuaj nug sawvdaws seb nej puas hloov li cas thiab muaj information txawv li cas.

4. HLUB is also coming up July 15-19, 2021 (Thursday-Monday) at Indiana State University for Youths and Single Adults for ages 12-22 years old. For more info, contact Xh. Isaiah.

5. Phab Alliance Women lossis phab vivncaus yeej muaj kev sibntsib nyob rau

hauv Facebook Live lossis virtually thiab. Yog nej leejtwg tsis paub txog lossis xav paub ntau dua qhov no; thov tivtau rau Thawj Niamtsev N. Txoov Sawm Hawj.

6. Yog nej leejtwg muaj kev paub rau sab timsuab thiab kev kaw duab mus kev (media skills) no, xav tau nej kev pab. Yog nej leejtwg pab tau no, thov tivtau Paj Hnub Hawj.


7. Hauvpaus Kooshaum Hmoob lub rooj sablaj txwm xyoo xyoo no yuav muaj nyob rau lub 7 hlis, tim 4-9, 2021 nyob rau Milwaukee, WI. Yog leejtwg xav paub txog no los nug Xh. Tswv Tub tau.

8. Txawm peb tsis tau muaj kev tuaj kawm Vajtswv Txojlus thiab thov Vajtswv uake rau hnuv Wednesday tsausntuj tom tuamtsev los, kuv twb kaw tau cov lus qhia tso rau hauv peb qhov website rau sawvdaws tau kawm uake. Yog nej leejtwg xav nrog kuv kawm uake no los, nej mus saib rau hauv peb qhov website. Nej mus nias rau qhov Ministries link thiab nias rau Wednesday Night Worship and Prayer ces nej yuav pom cov videos.

### PAB THOV VAJTSWV RAU:



1. Thov Vajtswv pab rau peb lub tebchaws no kom muaj kev tiajtus.
2. Thov Vajtswv kom peb tau qhib kev pehawm Vajtswv sai.
3. Thov Vajtswv pab rau cov thawjcoj xyoo no.
4. Thov Vajtswv pab rau pawngtseeg tej homphiaj rau xyoo 2021 no.
5. Thov Vajtswv pab rau cov tswvcuab txhua tus kom ntsib kev noj qab nyob zoo.



Yaxayas  
43:19a

“Kuv tabtom ua yam tshiab; nimno yam ntawd twb tshwm tuaj lawm.”

6. Thov Vajtswv pab rau tej homphiaj tshiab xyoo no kom txhob muaj kev tabkaum es thiaj yuav ua tau tiav.
7. Thov Vajtswv pab rau Hauvpaus Kooshaum Hmoob, rau thawj tsavxwm Kx. Tswv Txos Thoj thiab cov ua haujlwm nrav.
8. Thov Vajtswv pab kom qhov kabmob COVID-19 no dhau mus zujzus.
9. Thov Vajtswv pab rau cov tswvcuab sawvdaws kom xyoo tshiab no sawvdaws yuav muaj lub neej puvntoob (have a wholeness life).



**LUS UA TSAUG:**

Kuv nrog rau cov Tsavxwm ua tsaug rau nej txhua tus uas nej kub siablug rau kev ntseeg Vajtswv. Nej sawvdaws niaj hnuv thov Vajtswv pab rau wb ob tug xibhwb nrog rau wb tsevneeg. Nej nco ntsoov thov Vajtswv rau cov thawjcoj txhua tus. Nej txaus siab hlo muab nej tej nyiaj, lub dag lub zog, lub sijhawm, thiab kev txawj kev ntse txhawb pawgntseeg. Twb yog vim muaj ntej txhua tus koomtes, peb pawgntseeg thiaj ua tau Vajtswv haujlwm mus rau qhov zoo thiab ntau yam tiav. Twb yog vim nej sawdaws, peb pawgntseeg tseem nyob ruajkhov li qub. Ua nej txhua tus tsaug. Thov Vajtswv foom koobhmoov zoo rau nej kom nej txhua tus tau txais yam tshiab rau ntawm Vajtswv. Cia Nws txojkev thajyeeb thiab kev kaj siablug nrog nej nyob txhua lub sijhawm.

**CHURCH INFORMATION:**

**Church Website:**  
www.victoryhmong.org

**Church Youtube Channel:**  
Victory Hmong WI

**Church Facebook:**  
Victory Hmong Alliance Church

**VHAC Alliance Women Facebook:**  
Alliance Women of VHAC

**VHAC Youth Facebook:**  
Victory Hmong Alliance Youth  
Announcements

Muaj pehawm Vajtswv uake  
Livestream nyob rau hauv youtube  
rau thaum 1:00pm-2:30pm  
txhua hnuv Hnubkaj (every Sunday)



Yaxayas  
43:19a

“Kuv tabtom ua yam tshiab; nimno yam ntawd twb tshwm tuaj lawm.”

**QUOTE:**

“Nqistes ua yam tshiab hnuv no. Txhob tos txog tagkis tsam lig lawm.”

~ *Do something new today.  
Don't wait until tomorrow, it  
might be too late.*”

- Xh. Tswv Tub Vwj

602 Acewood Blvd, Madison, WI 53714  
**Senior Pastor:** Pastor Chue Tou Vue

Phone: (608) 224-1646 www.victoryhmong.org  
**Associate Pastor:** Pastor Isaiah Thor